

Lelaki didakwa atas tuduhan rogol, liwat anak kandung

SIBU: Mahkamah Majistret di sini, semalam menetapkan 23 September ini bagi sebutan semula kes terhadap seorang lelaki yang menghadapi dua pertuduhan merogol dan satu pertuduhan meliwat anak kandung sendiri.

Majistret Oon Kork Chern menetapkan tarikh itu memandangkan kes adalah di bawah bidang kuasa Mahkamah Sesyen.

Tertuduh yang berumur 36 tahun, bagi pertuduhan pertama didakwa melakukan sumbang mahram dengan anak kandungnya sendiri yang berumur lapan tahun 10 bulan pada 20 Ogos 2025, kira-kira jam 12 tengah hari hingga 5 petang di sebuah rumah panjang di Pasai Siong.

Bagi pertuduhan kedua, dia didakwa atas pertuduhan sama antara 1 September hingga 3 September 2025, kira-kira jam 12 tengah hari hingga 5 petang di tempat sama.

Bagi pertuduhan pertama dan kedua, dia didakwa melakukan kesalahan di bawah Seksyen 376B Kanun Keseksan yang dibaca bersama Seksyen 16 Akta Kesalahan-Kesalahan Seksual Terhadap Kanak-Kanak 2017.

Sementara bagi pertuduhan ketiga, tertuduh didakwa meliwat mangsa antara 1 September hingga 3 September



SEBUTAN LANJUT: Tertuduh dibawa keluar dari Mahkamah Majistret Sibu, semalam setelah mendengar pertuduhan yang dibacakan.

2025, kira-kira jam 12 tengah hari hingga 5 petang di rumah panjang sama.

Untuk kesalahan ketiga ini, dia didakwa di bawah Seksyen 377C Kanun Keseksan yang dibaca bersama

Seksyen 16 Akta Kesalahan-Kesalahan Seksual Terhadap Kanak-Kanak 2017.

Tiada pengakuan diambil daripada tertuduh dan tertuduh juga tidak dibenarkan bebas dengan ikat jamin.